



# Hmasawna Thar

( A N I N D E P E N D E N T D A I L Y N E W S P A P E R )

Regd. No. RNI - 40917/89 | Postal Regd. No. MNP - 67

**Daily & Direct Service**

**JIRIBAM / HMARKHAWLIEN**

C/o Babita # 9862129273

Hmasawna Thar Vol - 32/193

Churachandpur

email : hmasawna@yahoocom

Phone: +91-3874-236846

Rs 6/- per copy

**Contact Numbers pawimaw :**  
DC/CCPur : 03874-234234  
SP/CCPur : 03874-236747  
Police Station : 03874-202248  
SP Control Room: 03874-233239  
Dist. Hospital Casualty : 03874-233370  
Fire Brigade : 8974 147 799/  
8258 057 887 / 8974 103 600

## Behiang-a BRTF motor silaia kap; Civil mi 2 in thina an tuok; pawl tum tumin an dem

**CCPUR:** April 29, 2017 Khan Singgat Sub- Division huop sunga Behiang T. le S.Sehenkar, Tiddim Road, CCPur-ah BRTF Water Tanker tui chawidanga fe hai chu phairam helpawl ni dinga ringhla han silaia an kap a, Tanker Driver le helper pakhatin thina an tuok.



Hi thil tunga thina tuok hai chu Lallianmang (40), s/o (retd) Pastor Chinkho-thang Taitom of Behiang le Mr Ginlam Khaute (50), s/o Kamzagin of Singgat hai niin ei thu dawngna chun a hril a, hi thil tunga hmun hi India le Myanmar inrina lai nia hril a nih. Lallianmang le Ginlam Khaute hai hi GREF/BRO hnuoia casual labour le driver sinthaw a nih.

Mithi pahni hai ruong hi zanikhan Singgat mipui le Police han postmortem thaw dingin District, CCPur-ah an hung phur an nih. Hi baka hin April 28, 2017 zantieng 1:45PM vel khun helpawl ni dinga ringhla han Chin State (Burma) le Manipur (India) infepawna lampuiah bomb hrat takel a puok a, bomb puokna hmun lampui hi an khur dup thei a nih.



Hieng thil tung hai hi Zomi Human Rights Foundation (ZHRF) GHQ an dem thu zanikhan an puong a, hiengang chetna hi hrietthiem harsa an ti thu zanita ZHRF in Press Statement an insuoa chun an ziek. Zomi Council khawmin hi thil tung hi an dem thu an puong ve a, Security forces hai chu hiengang thil a tung nawk ta nawnna dinga hma la dinga ngenin, state sawrkar chu thina tuok sunghai zangnadawmna pe dingin an ngen.

## Khurai Lamlong Keithel Foundation Phum

**IMPHAL:** Minister MAHUD, Town Planning, Forest & Environment, Horticulture and Soil Conservation Mr. Th Shyamkumar chun Inrinni Khan Lamlong a Khurai Lamlong Keithel (Market Place) bawlna ding lungphum a phum.

Khuol Lien anga fiel a nina le inzawmin, Minister chun, "Lamlong ah Market (Bazaar) tha tak bawlna dingin senior politician tamtak leh wawi tamtak hrihlang a ni tah hlak a. Chief Minister Mr. N. Biren Singh khawmin ei rama Bazaar hai tha taka siem changkang wawng a tum a. Lamlong Keithel khawm hi bawl zo pha chu mi tamtak, Imphal East district chau ni lovin tlangram district a mihai ta ding khawma ni tina fak hmu theina ding hmun pawimaw tak a hung nih ding a nih" tiin a hril.

Hi Market bawlina dinga sum chu Centre le State-in 90:10 an thaw ding niin a hril a. Tha taka bawl zo a ni theina dingin mipuihai chu thei tawpa bawlina kawnga lo thlawp dingin an ngen a. Market Place bakah hin keia inlawna ding (foot bridge) khawm bawl sa a ni ding thu a hril baw. Lamlong Keithel hi abikin bu (paddy) tieng sumdawngna hmun pawimawtak a nih. Bieltu MLA Mr. L. Sushindro Meitei, Parliamentary Secretary (Home) chun, Manipur sawrkar thar hmalaknahai theinghil lo dingin mipuihai an fui a. Sawrkar kuomah tlangram a inthawka ding nuhmei inthungna ding hmun bik khawm siem dinga an ngen ding thu a hril a. Bandh le strike a um changa nuhmei Bazaar thungchai riek theina ding hmun khawm siem sa dinga sawrkar a nawr ding thu a hril.

Coordination Body Khurai le local Club, Meira Paibee le sinthawtu pawl inzawmkhawm Apex Body hai chun Chief Guest, MAHUD minister fe thlengding Chief Minister kuoma Memorandum ding an pek a. Ekou, Yengkhuman, Guwtapi le Itham hai chu Smart Village anga siem dingin an ngen.

Lamlong Bazaar a hmeruo zawr tribal nupui le Meitei nupui inzawmkhawm pawlhai Lamlong Keithel Phambi Apunba Lup chun khuol lien le bieltu MLA hai parthi an inhlitir. Function a hin PDA Chairman Mr. T. Robindro le Parliamentary Secretary (MAHUD) Mr. N. Indrajit Singh hai khawm an thang.

## CHANCHIN LAKTAWI Disability Certificate pekdawk

**CCPUR:** Zanikhan Pakasana, DI of Schools, Samulamlan Block chun ZEO Office-a SSA/IED hnuoia mi 38 hai kuomah Disability Certificate inhlanna a nei. Certirticate peka um hai laia 36 hai chu Mentally Retarded (MR) le 2 hai chu Hearing impaired an nih.

**Review meeting nei**  
CCPUR: Zani zingkar khan R. Sudhan, IAS, DC/CCPur inrawinain DC Office-a BRGF Resource Centre-ah DLCC -um-Review meeting nei a nih. PHED/CCPur Division le PWD/CCPur Division han Detailed Project Report (DPR) bakah MSPDCL/CCPur Division chun IPDS power point presentation an pek.

**BADP meeting nei**  
CCPUR: Zani zantieng 2:30PM khan DC Office, CCPur-a BRGF Resource Hall-ah BADP le inzawmin District Level Committee meeting nei a nih. Meeting hi DC, CCPur inrawina hnuoia nei a ni a, MLA Thanlon, SP/CCPur, line Dept. Heads, SDO/BDO Thanlon, Singgat, Sangaikot, Mualnum border block, PO DRDA, le a dang dang hai an thang a, BADP, 2016-17 hnuoia sanction works finalize thaw a nih.

**GAS NEWS**  
Agency : KIM JOE  
Booking : 28th. Jan., 2017 to 28th. FEB., 2017  
Delivery:-1:05-2017 (MON)  
Time :-9AM-till stock  
STOCK: 306  
DBC/NC ngaiwan thei

## Thangzam Road-ah IDBI Bank hawng



**CCPUR:** April 29, 2017 Khan Thangzam Road-a Laitui Pharmacy thlangah Industrial Development Bank of India (IDBI) Bank hawng thar a nih. Hi huna hin Mr Soiminlian Lenggen, CEO, ADCC chun khuoli-na thangin ribbon cheptanin Bank hi a hawng. Hi hun hmangnaa hin Hill town lalpa Pu Dongzakai Gangete, L. Pumlianpau, President, PTC GHQ le mi thahnem-tawk tak an thang. Hi Bank Branch a Manager Irungbam Sanjibihari Singh a nih. Mr Irungbam chun, IDBI Bank hi tuta neka inhmaa hawng tum a ni a, sienkhawm National highway haia blockade um leia wawisuna hawng theia um chau a ni thu hrilin district mipuihin an sawr tangkai ngei a beisei thu a hril. Soiminlian Lenggen chun, CCPur district-

a Bank branch tum tum hawng a ni hnungna IDBI in branch an hung hawng belsa chu lawmum a ti thu, Bank tamlem hai Tiddim Road zula hawng an ni a, IDBI in hi lai hmuna Branch an hung hawng chu mipui ta dingin hamthatha a ni thu le hi lai biela cheng han an sawr tangkai ngei a beisei thu a hril. Hun tawpah Lalawi Gangete, Asst. GM & Branch Head, Imphal in vote of thanks a hril. IDBI in CCPur-a Branch an hung hawng hi Manipur-a a pahinna a nih. Thoubal, Nambol le Ukhrul haia khawm hawng tum a ni a, sienkhawm remchang nawnna um leia la hawng lo nih. IDBI Bank pakhat chu MG Avenue, Imphal-a um a nih.

## Raja Goukothang Guite hrietnzingna Statue hawng

**CCPUR:** Zani zing dar 10 Khan Tonjang khoiah Raja Goukothang Guite hrietnzingna ding a lim (statue) hawngna nei a nih. Hun hmangna Ricky Vanlalawm Guite in an rawi. Thangkhosei, Guite Chief of G Tonjang Raja Goukothang Guite statue chungthu hrilna a nei a, Guite Innpi Pauminthang Guite chun Raja Goukothang Guite hrietnzingna dinga Thangkhosei, Guite Chief of G Tonjang a siem Statue hawngna a nei. Hi hun hmangna hi ngainatu le ditsaktu mipui tam takin an uop a, sunna humpui tak chu Hall sunga hmang a ni



a, hall programme huna hin Raja Goukothang Guite sunnain minute khat sung totawka hun hmang a ni a, sunna hun hmang sung hin darkhuong vuok a ni bakah pi le pu hun laia hmang thil chi tum tum hai khawm vuok rik a nih. Hi hun hmangna hin Guite Innpi, Guite Innpi Chief Adviser, Doungel Innpi, Kipgen Innpi, Haokip Innpi, Ngaihte Innpi, Hmar Innpi, Gangete Innpi, le Mizo Innpi haia inthaw

## World Veterinary Day, 2017 hmang



**IMPHAL:** Manipur State Veterinary Council huohawtnain zanikhan "Antimicrobial Resistance-From Awareness to Action" ti thupui hawngin Lamy-anba Shanglein, Palace Gate, Imphal Auditorium-ah World Veterinary Day hmang a nih. Hi huna khuollien MAHUD, Town Planning, Forest & Environment, Horticulture & Soil Conservation Minister Th.Shyamkumar Singh chun sa thienghim le hrisek chau fak ding a ni thu, hme dinga zawr sahahi hrin ran doctors han an enfel sa ni hlak sienla nuom a um tiin a hril. Functional President Agriculture, Veterinary & Animal Husbandary Minister V.Hangkhanlian chun ranhai hi mihriemhai ang tho a damnaw thei an ni leiin duot taka enkawl ding an nih tiin a hril.

## May 10 hmaa result puonglang dingin

**IMPHAL:** All Manipur Refresh Written Test Successful Candidates of Police Constable(Male), 2013 Batch pawl chun May 10, 2017 liem hma ngeia Police Constable lakna result puonglang dingin State sawrkar an ngen. Zanikhan Police Constable lakna result puonglang dinga ngenain Keishampat lamthe a inthaw lampui an hraw a, sienkhawm Police han Keishampat leilak lai an lo dangchat a, hi zo hin Keishampat Community Hall-ah thungbama nuorna an nei.

## HKI Emergency Executive meeting in Resolution 7 an passed


**LUNGTULIEN:** Hmarman Kohran Inzawmkhawm (HKI) chun April 11, 2017 khan EFCI P.S. Office, Lungthulien hmu-nah HKI first emergency executive meeting an nei a, hi huna hin thu pawimaw tum tum an hrihlang hnungin resolution 7 an passed. Resolution an passed chu hieng a hnuoia hai hi an nih: I. H.K.I Chairman Rev. Hrangchunghnung transfer ding leia HKI OB insiemrem dan ding ngaituo a ni hnungin term laklaw lai a ni leiin Chairman hin transfer-a a umna Imphal-a inthawk tlawmgain la chel zing sien, Hmarman sunga meeting le activity um hai Vice Chair-

man inrawina hnuoia phur-suok nisien ti le Rev. Lalsangthang, AGEI le Lieut. Laldawngliana, SA le Rev. John Lalnunmawi hai OB a laklut dingin an rel. Hmar Inpui GHQ in Hmar Welfare Fund dawlding form semsuokna HKI mawphur dinga a hung pek chu ngaituo a ni hnungin HKI Unit tina sendarna chu mawphur sien, sum dawlna ruok chu HKI thaw awma hriet a ninaw leiin a HI GHQ chu a dawltu ding midang mawphurna pe dinga inhrietting ding. 11th Manipur Assembly election-a Tipaimukh biela thlangtling Dr Chantonlien Amo, HKI General body meeting Feb. 21,

## IFCD Minister-in Pumlenpat le Khoidumpat Sir



**IMPHAL:** IFCD minister chu a hrilpek. Minister Mr Letpao Haokip chun, thil umdan chu fel taka suizui ning a ta. A sengso tam dan le a hlawk hmu zat ding inbuk tawdan (cost-effectiveness) hai bichieng hnungin sawrkar chun a thei angin losin-thawtu hai thangpuina le hi lai biel sukmasawna ding chu thawng a tih, tiin a hril. Minister chun Imphal River vakam, mimin a keina hmun le tui a letna hlak hmun, a pawimawna lai lai retaining wall tha tak bawl an nih ding thu a hril baw. Hi thua hin Chief Engineer (IFCD) Mr Ksh Pritam Singh, ED (IFCD-III) Mr M. Borchand Singh hai khawm an thang/um leiin thil umdan enkaia report pe dingin a hril ngal. Hi hma met hin Minister hin Chandel A/C sunga Khopijang a infiemna khelzawl (playground) siema um mek khawm a va sir.





**VAWISUN THUPUI**

Pathienien lungsenna tuor lo dingin ei Lalpa Isu Krista zara sandamna hmu ding lemin a mi ruot a ni si a; Ei meng khawma, ei in khawma, ama le ei hring kawp theina dingin, ama chu ei thi aiin a thi a nih. Chuleiin inrui tuoin, in thaw hrim hlak ang khan, insuktahnem tuo seng ro.

- 1 Thessalonika 5:9-11

**Editorial**

**Mani thuhiril bawzui le suk-puitling hlak thuoitu ei mamaw**

Manipur-ah sawrkar thar a hung pieng a, ram t huoituhai khawmin an chanpuol Department hotuhai le staff-hai in pawpuui in fuina tha tak tak an hrii a. Department hotuhai le staff-hai chu file delay lo dingin an incha a. Hi thucha hi officers le staff han theinghil lovin zui ngeihai sienla nuom a um. Tuta hma a inthawk ta khan file delay hin sawisela a hlaw hle a. Amirokchu, ei state a sawrkar thar chun file delay hi um ta lo dingin Sawrkar thawktuhai a hrii leiin mipui han tuta hma anga file delay um lo dingin lo beisei phawt ei tih. State pak-hata CM le a Ministers han file an cheltang naw phawt chun an hnuoia thawktu han file an cheltang ngam ring a um nawh. File cheltang a um tanaw chun ei ram hmasawna pakhat a hung ni ding a nih. Sawrkar hmasa haia khan chu file tawckhangan ngin "Chathaknaba" a ngai hlak a, tu ruok hin chu a hung ngai tanaw ding niin an lang. Thil tha le thil lawmum takel a nih.

File delay a lo um pal a ni khawma mipui han a san zawngsuok ei ta, file delay nawna dingin an zawmpui Minister annawleh CM kuomah ei report ngam ding a nih. Mawphurtu pakhat a chawl leia file tawkwui thei lova an khawl bum thur hlak khawm hi an dik nawh. Hiengang thil a tung nawna dingin sawrkar thar hin system thaw ngaituo sienla nuom a um. Sawrkar thaa chun file delay hi a um ding an nawh.

Sawrkar thara lukhaitu tak CM le a minister-hai chun thudik le thu tha tak tak, inzaum tak tak an hrii rawn hle a, an hrii anga thil a hung fe pei chun ei State a hin hmasawna tak tak le inthlakhlangna hmu theiin a hung um ngei beisei a um. Ei ram thuoituhai hin an thu hrii hai hi an hrii mei mei ni naw sienla, an thu hrii hai hin zawm le zui a hlaw ngei am ti hi hung bawzui pei hai sienla nuom a um. CM annawleh Minister han an thu hrii hi an enthlak le bawzui naw chun Sawrkar hmasa ei lo hravn ta hai ang bawk khan file delay hi a hung um nawk el ding a nih. Ei ramin mani thu hrii le thutiem bawzui a, sukputling hlak thuoitu (Minister) hi a mamaw a nih.

Sawrkar thar hmadawm tum dan hi a lien hle a. A tak taka sukputling a hung ni theina ding chun thaw tak tak a hung tul ding a nih. Ei CM tharin sawrkar thar hung um thana inthawka tuchena sawrkar hmalak dan ding le thil thaw dinga mipui hmaa a puonglang ta hi a tam tham ta hle. Thaw dinga a hrii le a tiem hai hi a tak ngeia a hung puitling a ni chun Manipur hmel chu tuta kum fe mek sung hin a hung danglam hman beisei a um. A thu hrii hai hi theinghil lova a bawzui pei nia an lang leiin Manipur mipuikai an lawm a, ama chunga hin beiseina nasa tak an nei bakah ringzona an inngat a nih. Amirokchu, thil tha hi mi pakhat chau a thaw zo thei a ni naw a, t hangruol hi a hung tul hlak. Hi lei hin thangruol dinga hma ei lak seng a tul bawk a nih.

Sawrkar thuneitu, a bikin CM le a Minister han thutlukna an siem ding hin ngunthluk takin, kiltin kiltung hrut kuolin, ti tak zet in ngaituona seng hlak sienla, order chu order a ni anga zawm le hmang ngei ngei dinga a fepui ngam ding a nih. Sawrkar hmasa hai khan order chi tum tum an insuo hlak a. Amirokchu a nina ang taka order chu hmang le lekkaw a ni ngai sinaw leiin mipuikan order annawleh dan inzana chang ei hriet naw pha a, ei namnol rawp hlak. Hi lei hin lekkaw ngam lo ding order chu insuo lo le thaw thei lo ding thil hrim hrim mipui hmaa puonglang ngam lo el ding a nih.

Manipur CM thar chun Manipur a la um ngai lo le la thaw ngai lo tam takel thaw dingin a puonglang a. Thaw dinga a hrii hai hi thil tha tak tak, mipui dit le tha tizawng an nih. Hi lei hin mipui lungril a sukphur hle. Ei CM tharin a hriet dinga pawimaw pakhat chu, officer lien chin chu indawrupui an inhawi tlangpui a, a laihawl velah hin harsatna a tam hlak ti a nih. Hi thil hi sukbo a ni theina dingin hma hung la sa ve sienla nuom a um. Hi thil hi civil le police sunga khawm inangrawnga tlong hlak, mipui tuorhla em em el a nih. Chun, CM thu hrii hai hi a taka a ra hmu thei ding hung um bawk sienla ti chu mipui dthusana a nih.

**AP-ah NSCN(K) cadre pakhat man**

**ITANAGAR:** Arunachal Pradesh-a Longdang district-a chun zanikhan Assam Rifles-a Khonsa battalion han Kunsavillage-a dappui an thawnaah NSCN(K) cadre pakhat ralthuom leh an man. NSCN(K) cadre mana um hming hi puonglang a ninaw a, a kuta inthawka ralthuom man hai chu point 22mm Pistol 1 le a mu 5 a nih.

**Editorial Board**  
Lalmalsawm Sellate: Editor & Publisher  
Roding L. Sellate: Jt. Editor  
Ramditum @ Rama Ralsun: Asst. Editor  
Lalsansuok Pulamte & Samuel Zothanglien@SZ Zote: Sports  
Joseph Joute: Freelance  
Lalruotlien Dulien: Computer Assistant  
Edited & Published by Lalmalsawm Sellate at HT Office, Lighthouse Lane, Churachandpur and Printed by him at Lamka Super Printer, Vengnum, Hiangtam Lamka, CCPur, Manipur.

**“LUNGRIL HMUNKHAT PUTIN”**

Thilthawhai 2:1

Rev. Dr. H.M.Songate Songate

**Huphur a um ie!** Mihriem hai hi hmel danglam; ngaituona hran seng, lungril hran seng, dit dan in anglo, nuom zawng inanglo, du zawng inanglo bawk, ngaiant zawng le theida zawng in anglo, ngaiuum zawng le ngaipeinaw zawng khawm inanglo deu vawnga siem ei nih a. Chulaia, “lungril hmunkhat put” dinga hang inful chu, Pathien thu nisienkhawm huphur a um teng teng ngawt el ie! Tulai mihriem nun dan lem chu mani tha tidan (rights) ang peia khawsa ei ni nawk nghal a. Eini rawi lem chu hrii ngai lova felsa a pienga inngai, hnam dang popo neka insang lema insie, mi popo neka inti thlarau mi lem, inchuktir theilo thuoitu (un teachable), mi le inthurool taka um chu ‘changkaing lona’ a ngaitlat, hre tak tak lo; hrea inngai, Pathien rawngbawltua insie seng, a thaw tam le pe tam chu ngam lo, a thu zawm neka a thu lawm le hrii lor ringawt thaw, Bible in “Kawktu” ati ngirhmuna uma inngai seng, thuhnuoirawlna puotiengna leng, chapona kawnga chun mi chungna leng, a sietna lai siemthat neka, suksiet sap thiem lem, ieng kawng kawnga khawm inthuroolnawna tienga lungril put, midang ta neka mani ta chau en lem hlak eini leiin “lungril hmunkhat le thlarau hmunkhat” ti ka hang ziek ringawt khawm, thenkhat tading chun hnam um h’eng a tih! Hnam thu le kohran tha a khawm, ‘lungril hmunkhat put’ chu hrillo, inpumkhatna le inlaichinna siemthat chungchawng hrii ringawt khawm suol tlukah ei ngai ta a, HSA le thalai haiin an inkhawmpui changa an hrii zeu zeu ding le debate thaw velna ding chawin ei dttaw ta a hawii!

**A mak tawp!** Kum 1985 khan Singapore Changi International airport ah Vai pitar hmeithai Hausa leh kan inhmu a. China mi nilovin India mi kani ka hang hrilife chun a mi ngaina emem. “Ka nau pathumhai London, Sydney leh USA ah an um vawng ta a, Kolkota ah building pathum ka neithai zawr dingin thlathum ka um ding a nih. Car pahni le driver pahni an hung ding ana, zan asawt ta leiin car pakhat chu nanging hmang rawh” ami tih. Tawng dang hmang, hnam in ang lo, ring le biek in anglo, kum in anglo, fak le dawn in ang bawk lo, inhre ngailo, khawng khawpa mi zuk ngaina el kha mak ka ti emem! 1981 July thla in rawngbawlna le inzawmin Tamil Nadu simtieng ka khat chawin khawte ah kan zin a. Vangduoi thlak takin ka damnao a. Sap tawng pakhat khawm hrielo, Vai tawng khawm hrie bawk lo, hmethai pitar in ami enkaw! chu a mangang thlak ie! Hmeithai tarnu mi hmangaina mit kha ka theinghil ka ring nawh! Hi hmeithai hausana le hmeithai retheinu hai mi hmangaina ang hi ei chipui lai ei tuok rawp dal thei! Ei ni rawi chu mani khuo le tui ah inbe theilo, ramdanga inhmu chang ruok chu inbe thei tho hlakhai ei nih! Chuleiin, ei in lugsiet dan hi “Karlha Hmangaina” anti kha lo nita veng a tih! Tu lem hin chu vairama khawm ei inlainta a dang ta hle! Zohna thlak tawng hmang chu, tia khawpuia biek mei mei ngamlo chi khawm ei kat nuk tak.

Piengna hmunkhat, hnam khat, tawng khat, fak le dawn angkhat, biek angkhat le an ang thei popo in ang vawng si a “Lungril hmunkhat put” ti hi ieng leia ei zawm theinaw am nging a ti aw! Zawm chu hrillo, a sama sam ringawt khawm thenkhat chun an theida a haw! Thuoihuoi 120 hai kha thlarau thienghlim tlong hma siin, lungril hmunkhat put in Isu thutiem an lo nghak tlat el kha a ropui hle a nih. Eini rawi hlak hi hlim view, thlarau changa inngai, dawl zawra zawr daw dawk inti, thlarau robot ruol hi, khalai huna unaw 120 hai leh ka hang khalkhawm sin a...! Chungtienga inthoka thlarau chu a tirin an thienga, inrem a nuom a...tilai vel a khan ei kar a hla hle ding a haw! Thu awi nuomma kawnga dam, lungril pumkhat put thua dam, inngaitlawmna thua dam, thienghlimna le indukna kawnga dam, ringna le hringna kawnga dam in khuongruol naw tawp ei tih. A thupek an zawma, an ringa, Isu ti ang takin an nghak a; anla hmu ngailo, a umdan le a thilthaw dan khawm an la hriet lo nisienkhawm an chang el a nih. An thlarau chang khan an hringna, an lungril le an ngaituona kha a thlak danglam nghal a nih. Kha Thlarau khan a thuoii angin an hringin an changa, an tawng suok nghal bawk. Chuleiin, thilthawtheina in a zui a nih. Eini raw thlarau chang ruok hin chu chungang lawma danglamna chu amin tlon naw a haw! Hun tawite sung hlim deuin, inhawi ti deuin ei uma, thlarauin ami thuoii zuk ti el ngam khawm an nawh, ei ni thlarau ei thuoii lem hlak a haw! Pathien rawl hrietna a

**A chungthu rel dinga thuoii kap hlum**

**NEW DELHI:** Zanikhan Rohini district Court-a chun tuolthatna case leia a chungthu rel lai mek Rajesh chu pasal pakhat in a kap hlum a, a kaphlumtu Mohit hi man nghal a nih. Rajesh hi tuolthatna le inzawma Haryana Police han December, 2016-a kha an man niin DCP (Rohini) Rishi Pal chun a hrii. Zanita Haryana Police han Rohini Court hmaa inlang dinga an hung thuoii, chu huna Rajesh hi kap hluma um a nih. A kap hlumtu Mohit hi Jhajjar district, Haryana mi a ni a, police chun a kap hlum nasam hriet tumin an suizui mek.

**In pakhat a kang vawng**

**AIZAWL:** Zani hmasa zan dar 8:30 vel khan Bairabi Hmarveng-a Pi Zoram-pari hai chengna in chu kangmei suokin a kang a, insungna hmangruo ieng-khawm laksuok hman um lovin a kang fai vawng. Kangmei suok huna hin electric a um naw bakah naupang tlangval pakhat chau kangmei suok huna hin mombati insita um a ni leiin mombatia inthawk kangmei hi suok ni dinga ring a nih. In Hi Assam type niin a tuong cement, a chung rangva a nih.

tlawma, lawmna ri an ring hle hlak. Thlarauin mi a them pha, thupek thar, ami pekka hlak a, lampui thar le vision thar amin nei tir bawk hlak.

**Tiem tlaklo ringtu:** Vawikhat chu Sap tleiraw! ruol kawttlera ka thu hrii ngai dingin ka fial a, ringlo takin an hung ngai suok zak el chu mak ka ti emem. An harsatna tlangpui deu deuhai chu- ‘Biek in ah darkin hni tawp inthung chu a hlak nawh’, ‘hmasawna ding iengkhom an hrii nawh’. ‘an hlasakhai a boring’. ‘Mi an nuom ang anga um sawisel an phal nawh’. ‘Mi zalenna le rights sawisel ding an nawh’. ‘Ka partner le kan umkawp chu ka nuom tha (right) ana, midang hrii ding a um nawh’. ‘Christian hai hi mi sawisel hmang le tha inti (righteous)an nih’, ti vel hi a nih. An thilma tukvera inthawk chun, a awm ve hle a nih. Bible tiem nekin Christian hai an mi tiem nasa lema. Chutaka inthawka an thil hmu ve kha an hrii el a nih. Ei revival hai hin hlimna, harna chu ami pek ngei luoa, insiemthatna tak tak (transformation) ruok chu ei dawng vawng ngai nawh. Suol theida khawp le suol ‘na’ ti khawpa revival chang ei vang. Ngai ngai um puma lo hlim ve kha ani ringawt a haw! Chungtienga thlarau thiltum chu “Ama thu hrepuitu” ni dingin; court ah, ukil hma a witness (hrepuitu) an um ang kha, a hrenaw hai lai ei thlarau chang kha witness –ei va thaw ding a nia. Lam le hlim hi inhawi hle sienkhawm, ‘Thlarau thienghlim’ tlong huna thaw dinga thupekhai kha inhmai lo ding ani ti hi Pathien thudik a nih. Hi Pathien thua inthawka thil inckuding pathum ngaituo tlaka ka hriethai chu-

- 1) “Lungril hmunkhat put” lova hlimna thlarau ei chang vet hi a tak a kai di’ m? Lungrii inhmu der lovin thlaraua inhmu hi thil umthei ngai am ani dim?
- 2) Chu thlarau thutiem dawng dingin “Lungril hmunkhat put” ei nuom taktak di’ m. ‘Lungril hmunkhat put’ ti vel chu a tulai naw vieu el dim! Lungril hmunkhat put chu inngaitlawm vel kha angai ding ana, mi pharisai deu hai chun ei thawthei ngut di’ m!
- 3) Thlarau chu lo chang hrim inla khawm, ‘hrepuitu’ ni dinga a thupek kha zawm dingin ei in hrii di’ m. Mani fe ve kher lova ami tawka naaw tawk chawu missionary fund pek kha a mawi lem zing el di’ m! Ei phur chin le pei tawk chin kha a la thatak le ei ngei zawng tak a la ni zing el di’ m!

**Thil harsatak a nih!** “Chun, Pentecost ni a hung tlongin, an rengin lungril hmunkhat putin, hmun khatah an um khawm vawng” Thilthawhai 1:1. “Lungril hmunkhat put le hmun pakhat” an um khawm vawng ati a. Lungril hmunkhat put an tak hle ding naklaia, hmun pakhat a umkhawm chu huphur a um de! Inngaitlawmna le Pathien rawl indiktak ei ngaitlak pei naw leiin, lungril hmunkhata um chu thil thei dingang hang ruot naw phawt inla lungril le ngaituona asuk hadam lem ring a um! Eini, Zohnathlakhai, mani ngaiia ringtu tha taka inngai le hrata taka inngaihai, Bible thu ang naw deu a ‘Mi popo mani neka suol lema ngai le mi dang tading ngaituo lova mani tading chau ngaituo zing hlak ringtuha’ umkhawm theina ding hmuo chu leihnuoia hin aum thei ring a um nawh! Hmun hnan hrana, mi tlawmte um bum a, inlawm tuo a, nghak ding nisien chu a zie a um deu ka ring. Eini rawi inti thlarau mi le fel famkin nuna lenghai hi ‘hmunkhatah’ iengkhawmin ami khalkhawm thei ka ring nawh! Ramsa ruol tam tak khalkhawm a awl lem ka ring! Pathien thupek zawm dinga inziritirna ei uornaw lei le ei inhril ngam naw lei a ni deu tak. Revival hrattak, suol theida na khawp le Judas Iskariot anga insir mei mei ni lova, David anga sima, insir ngawi ngawina le insiemtharna kha dawng dinga ei in buotsai nuomnaw chun ‘lungril hmunkhat le thlarau hmunkhat’ ti vel hin chu mi hlat vieu a tih. Suol ei pawl nel taluo lei le, suol le a sevela cheng hi ei zawngsak khawhlo ta lei nita veng a tih. Lungril hmunkhat putin thuthlungthar kohranhai ang khan thlarau thienghlim ngeiin vawikhat nana chu mi hung kan tak tak sien nuom a um ngei maw!

**Truck le Van inbawah student 17 an hliem**

**GHAZIPUR:** Uttar Pradesh-a Ghazipur district sunga Jamaniya area-a chun zani hmasa khan Van le Truck an inbaw pal a, student 17 in hliemma an tuok a, hliem hai laia 3 hai chu an hliem inrik hle a hrii a nih. Student hai hi Global Public School a kai an ni a, school tin in pana an tlan laia eksiden hi an tuok a nih. Hliem hai hi kum 6-14 inkar an ni tawl a, hliem inrik zuol hai chu Varanasi Hospital panpui an nih. Van le Truck driver hai hi an tlanhngw ve le vein man an la ni nawh tiin Police thusuok chun a hrii. (PTI)

**Companies 8-9 lakh in annual returns an la file nawh: Adhia**

**NEW DELHI:** Revenue Secretary Hasmukh Adhia chun, India rama companies 8-9 lakh vel han Ministry of Corporate Affairs (MCA) –ah annual returns an la peklut nawh tiin zanikhan a hrii. Hieng companies hai hi PMO in an din task forces chun a enthlak zing a nih tiin zanita New Delhi hmuna Enforcement Day hmangna hunah Adhia chun a hrii. India ramah registered companies nuoi 15 vel an um a, hieng hai laia 8-9 lakh vel in annual returns an la file naw a nih tiin a hrii. (PTI)

**MPSC Chairman dingin K. Himalaya Singh**

**IMPHAL:** Zani hmasa State Cabinet meeting chun Manipur Public Service Commission (MPSC) Chairman thar dingin Retd. Lt. General Kon-

sam Himalaya Singh an ruot. Konsam Himalaya Singh hi tulai hnei ela Indian Army-a Lieutenant General-a inthawka pension a nih.

**Drugs mum 765 leh pasal 1 man**

**IMPHAL:** Zani hmasa khan K. Kabib, SP, Imphal East le a rawi han Md. Aslam Khan (60), s/o (L) Md. Samad Ali of Kairang Mamang Leikai chu drugs mum 765

leh an man. Drugs mum mana um hai lai hin SP capsules 560, WY mum 105 le N-10 mum 100 a thangsa. Hi ni hin Police chun drug addicts 3 an man sa bawk.

**Indopui pahina huna bomb chodawk**

**IMPHAL:** Tegnoupal District a Moreh College campus sunga In bawlna ding hnuoi chonaah April 28, 2017 khan Indopui pahina hun laia bombs 11 le silaimu 600 lai zet

chodawk a nih. Hieng bombs le silaimu hai hi a tuiok nasa ta hle. Hi thu hi Moreh Police ah report pek a ni a, a hnungah Moreh Police han an va lak.

**LOCAL: Career Guidance Seminar nei**

**CCPUR:** Zani sun dar 11 khan Synod Hall, IB Road, CCPur-ah National Institute of Electronics & Information Technology (NIELIT), Imphal le The North-East India Skill Development Foundation (NEISDF) hai thangruola huoihawtnain One Day Career Guidance Seminar nei a nih. Hi huna hin TP Singh, Executive Director, NIELIT, Imphal le Soimilian Lengen, CEO, ADC Churachandpur hai special Guest in an thang. Technical Session hunah Oinam Anuradha ; Gongthorei Kamei, Career Counsellor, MCC NIELIT, Imphal hai resource person in an thang. Technical session hnaaah Lianzala Vaiphe, President, NEISDF le Oinam Anuradha, YF, MCC, NIELIT, Imphal le Haobam Rajendra Singh hai resource person in an thang. Seminar-a hin Clas X le XII exam zo mi 100 chuong an thang.

**NIA in Naga Officials 3 an man**

**GUWAHATI:** Nagaland sawrkar hnuoia officials pathum hai chu Nagaland Socialist Council of Nagaland (NSCN) Khaplang hminga government agencies dang dang haia indiklo taka tax dawlna thuanh inrawlna neia intumna leiin National Investigation Agency (NIA) in a man. Mana um hai chu Tulula Pongen, Jt. Director/DDO, Social Welfare Dept. Nagaland; Alenba Pangjung Jamir, Jt. Director/DDO, Land Resources Dept., Nagaland le K. Lashito Shegi, Cashier, Dept. of Land Resources, Nagaland hai an nih. Hieng Official pathum hai hi NIA case RC- 01/2016/NIA-GUV hnuoia NSCN(K) ta dinga indiklo taka tax lak le sum dawlnaah inrawlna nei ti leia man an nih. Mana um hai laia 2 hai chu ni 5 sung Police Custody-a um dinga ti an ni a, official pakhat Tululu Pongen ruok chu a damnaw leiin Hospital-a admit a ni hle. Hieng officials hai hin an nina hmangsuolin sawrkar sum tam tak NSCN(K) kutah an pek tiin NIA chun an tum a nih. Hi baka hin Naga helpawl dang NSCN(Reconciliation), Federal Government of Nagaland (FGN) le Naga National Council (NNC) le a dang dang hai ta dinga department dang dang haia inthawk sum dawlnaah an thangpui nia intum an ni bawk. Hieng thil hai hi NIA in January 18, 2017 nia Government offices 13 hai an dap huna demand letters le receipts thanga documents dang dang an man haia inthawka NIA in an hrietsuok a nih. NSCN (K) cadre pahni S Khetoshe Sumi @ S K Assumi, self-styled finance-in-charge Kohima and Dimapur area Victo Swu @ Victo Sumi hai khawm hi case a ni tuta hma khan man an lo nitah. (NP)

**Triple Taalaq politics a ngailo dingin a ngen**

**NEW DELHI:** Prime Minister Narendra Modi chun Muslim sakhuo zuitu hai chu Triple Taalaq chu politics a ngai le la lo dingin zanita New Delhi hmuna Vachana lekhabu a tlang-zarna huna tha a hriinaah a hrii. Hi chungthua buoina um mek chu Muslim sunga sukfel thei a ni thu hrii, Muslim sakhuo zuituhai chu anni ngeiin hi buoina chingfel a ni theina dinga pensuok dingin PM chun a ngen. India ramah hin inthlierhanna a um ding a ninaw a, Sabka Saath Sabka Vikas sawrkar in a thutiem hai a sukputling ngei theina ding a moto, niin inthlierhanna ieng-khawm um lovin sawrkarin hma lang a tih, fakrukna in mipui rorelna democracy a faksiet mek a nih tiin a hrii.

ALL INDIA RADIO: CHURACHANDPUR PROGRAMME		
Date: April 30, 2017 (Pathienni)		
TRANSMISSION- FM-101.4 Megahertz		
Hours	Studio/	Programme
4.53pm	CR/P	Signature
4.55pm		Vande Mataram, Time Reading, Opening Announcement& Mangal Dhvani
5.00pm	P	Hymns to God : (Western music) Army Grant (dev)
5.05pm	P	Local Announcement/Prog. Summary
5.10pm	P	Minor Dialect (Gangte): Mading Gangte (dev)
5.25pm	P	Western Music: Bob Fitts (dev)
5.30pm	P	PAITE Prog. Sig. Tune & Announcement Announcer: Ngazemhoih 1) V. Paukhanding & party
6.00pm	P	HIMAR Prog., sig. Tune & Announcement Announcer: Niangngailun 1) NPT Choir (dev) 2) Lalhimpui & party (dev)
7.00PM	P	THADOU Prog., sig. Tune & Announcement Announcer: Kaikholim 1) Esther Ngaineithem Sithou (dev)
		Farm & Home: Hmar 1. ICI Central Choir (dev)



LAKTAWI

Pasal naupang that, a ruong saruoka hmu

BHOPAL: April 28, 2017 zantienga inthawk a umna chin hriet lova inhmang Sanjay (10) chu zani zingkar inhmatak khan Gwali-or hmuna lung hernawina (stone crushing unit) bul lai saruok le a thisaa hmu a nih. A taksaa hin hliemna hnuhma hmu a ni bakah sex thila sawisak a ni hnungna that ni dinga ring a nih tiin Police chun an hril a, an suizui mek. (ENS)

Bank han pawisa rawng da hai a hnaw thei nawh:RBI

NEW DELHI: Reserve Bank of India (RBI) chun, Banks han pawisa notes rawng da ta hnung le ziekt tiel hai la nuom loin a hnaw ngawt thei nawh tiin RBI in circular an suo chun an ziekt. Hi thil hi Bank Branches tam tak han Rs. 500 le Rs. 2,000 notes sawp sa pal leia dawng da, inhmat le thil inziekina hai an lak nuom nawh tia complaint um leia RBI in Circular an suo a nih.

Rajasthan-a In chimah mi 9 an th

JAIPUR: Rajasthan-a Bharatpur district sunga Pidhi village a chun zani hmasa khan inneina hunser hmang huna In chim lein mi 9 in thina an tuok. Inneina hunser hmanga mipui an inthung khup laia In hi chim nia hril a ni a, midang 15 lai zet in hliemna an tuok baw. (PTI)

Nuhmei suollui le thattu mi 3 man

NEW DELHI: February 19, 2017 nia Kanjhawala area hmuna nuhmei pakhat suollui le a ruolnu thattu intum pasal 3- Jasbir Dabas (31), Devender Kumar (30) le Manjeet (35) hai chu zanikhan Delhi Police-a Crime Branch han an man. (DNA)

HIV Test & Treat policy

NEW DELHI: Union Health Minister J.P.Nadda chun zani hmasa khan New Delhi hmuna Human Immunodeficiency Virus (HIV) invawi hai ta ding Test and Treat policy a tlangzar. Hi policy hnuoia hin HIV invawi hai chun Anti-Retroviral Therapy (ART) treatment a thlawnin an dawng ding a nih. Hi thil hi central sponsored scheme a ni a, HIV invawi han nasa takin an hamthatpui ding a nih tiin Mr Nadda chun a hril. Sawrkar thlungpui chun tuta inthawk sawnawte hnungna HIV-AIDS dona tienga dingin national strategic plan a tan ding thu a hril baw.

USD 484,000 in-ruknaleiin Indian-American Jail-ah

HOUSTON: Indian-American Kiran Andhavarapu (45) chu ama ruoitu (employer) hriet lova a account-a inthawk US dollar 484,000 inru peka intumna leiin US Attorney for Southern District of Texas chun thla 20 sung jail intang dingin a chunghu a rel. Mr Kiran hi Feb. 9, 2017 a kha thiemnaw inchangtira lo um ta a nih.

UP-ah chip hmanga tling loa zawr-  
tu Petrol pumps 8 zet khar tah



LUCKNOW: Uttar Pradesh-a chun an thaui herdawkna dispensing system-ah chip thuna indiklo le tling loa an customer hai kuoma Petrol an zawr hlak ti hrietsuok an ni lein Special Task Force (STF) han Petrol pumps 8 zet an khar pek ta a, hi le inzawm hin mi 23 an man ta baw. Dispensing system-a chip an thun lei hin thlatin hlawk nuoitel an hmu pha hlak nia hril a nih. Union Petroleum Minister Dharmendra Pradhan chun hi chunghua hin UP-STF hai chu a lawmpui thu a tweet nghe nge. Hienganga dispensing system-a chip an thun hin a khawlin Petrol a hung pump dawng ding zet neka 6% a tlawm a hung pump dawng hlak a, hi thil hi hi-tech theiv a nih tiin ASP, STF Arvind Chaturvedi chun a hril. Hienganga chip hmanga Petrol pumps customers hai hlemna le inzawm hin a device (chip) siemtu le Rs. 3000 peia zawr electrician Ravinder of Luckow chu STF han man ta taw. Mr Ravinder chun Uttar Pradesh-a Petrol pumps 1000 chuong hai kuomah hienganga a chip siem hi a zawr ta niin STF hmaah an puong. Hi chip hmang hin khawl in litre 1 a pump dawng lai 940ml chau a pump dawng a, litre khat a tlingna dinga la bak 60ml pei chu Pump neitu han an save a, chu hung inkhawlkhawm pei chun pump neitu han thlatin a nuoitel an lam belsa pha hlak niin STF chun an hril. Pump khar peka um ta haia Managers hai kuta inthawk chip le remote controls hai an man sa baw a nih. System in petrol a pump dawng ding zet hi remote control hmanga limit an siem nia hril a nih. Hienganga chip hmang Pump hai chun thlatin indiklo takin Rs. 14-15 lakh dam pawisa an laklut hlak nia hril a nih. (ENS)

BJP National President Amit Shah Jammu a tlung

NEW DELHI: Kum 2019 Lok Sabha Election hung um ding le inzawm Central-a sawrkarna siemtu BJP chun hma an lak tan mek a. Hi le inzawm India rama states tum hai kankuol dinga ni 95 thang dingin (95 day tour) or BJP's 95-day Vistara Yatra dingin zanikhan BJP National President Amit Shah chun Jammu a pan. Mr Shah hi MoS in PMO ni lai mek le Jammu MP Dr Jitendra Singh in a zui. Mr Shah hi state BJP President Sat Sharma le Jammu an Kashmir Dy. Chief Minister Dr Nirmal Singh han Jammu airport-ah an lotuok a, party workers han ropui takin lawmlutna an nei baw.



Mr Shah hi state BJP President Sat Sharma le Jammu an Kashmir Dy. Chief Minister Dr Nirmal Singh han Jammu airport-ah an lotuok a, party workers han ropui takin lawmlutna an nei baw. Mr Shah hi Jammu hmuna ni 2 sung cham a ta, hi hun sung hin BJP state core group, BJP Ministers le state MLAs hai inpawlpuina a nei ding bakah civil society thuioti hai khawm an hmuipui ding bakah Jammu-a BJP State Office-ah e-Library a hawng bawk ding a nih. Mr Amit Shah hin kum 2019 Lok Sabha election hung um dingang kum 2014 Lok Sabha election BJP in seats an chan 120 haia hratna an chang nei theina dinga thil thaw dan ding hai state thuiotuhai a hripui ding niin ei thu dawngna chun a hril. Hi baka hin party ngirhmun ennawna hai a nei baw dinga hril a nih. Mr Shah hin a bik ta-

Order of the Rising Sun dawng dingin Union minister hlui Ashwani Kumar

NEW DELHI: Japan sawrkâr chun Japan le India inlaichinna siemthatna kawnga a thaw hlawk lein Union Minister hlui Ashwani Kumar chu 'Order of the Rising Sun' chawimawina inhlan dingin zanikhan a puong. Mr Kumar hi Grand Cordon of the Order of the Rising Sun dawng dinga thlang a ni a, a category zawng chun mimala chawimawina an sang tak a nih. Tuta hma khan Ratan Tata khawm hienganga chawimawina hi inhlan a lo nitah. Award hi May 9, 2017 khin Imperial Palace, Tokyo hmuna inhlan ning a tih. (IANS)

J&K-ah terrorist 1 man

JAMMU: Jammu and Kashmir a chun zanikhan local terrorist pakhat chun J&K Bank TP Branch sunga duty CRPF Jawan kuta inthawk rifle inchuthlak pek a tum lein man a nih. Hi thil tlungna hi Anantnag district Deputy Commissioner Office bul char a nih. Ei thu dawngnain a hril danin Terrorist pahn Bank-ah hin lutin Pistol an hmetpuok a, an silai hmetpuok chun Havildar pakhat kut a deng hliem a, chu takah a silai inchuthlak pek tum an ni a, sienkhwam an hlawsam niin a hril. CRPF jawan silai inchuthlak pek tumtu terrorist pahn hai laia pakhat Muneeb Ahmad Malla of South Kashmir, Kulgam District chun man a ni a, pakhat ham ruok chu himin a tlanhmang hman niin Police chun an hril. (AIR)

North Korea Meithallawn Ensin Nâwk, A Puokdar

PYONGYANG: Khawvel sawrkâr lientak UN Security Council-in nuclear râlthuum (bomb mitnei) le meithallawn (ballistic missile) hai siem ta lo dinga a hril hnung khawma lulul insuaa siem le ensin sunzawm pei, intivei le chapo North Korea chun April 29 kha a meithallawn (ballistic missile) a ensin nâwk a. Amirokchu, a kap suoka inthawka munit tawitein a puokdar wawng. South Korea le US official hai hril dan chun tuta mi hi March a inthawka a ensin wawi li hlawsamna a nih. An khawpui Pyongyang a inthawka hla lo, north-east a Pukchang ah a nih. Medium-range missile KN-17, Km 1,000-5,000 vel kap phak a ni angin chungtieng Km. 71 vel a wuonga a puokdar a nih. North Korea ram a suoksan hman naw niin an hril. North Korea-in missile a nei le siem mekhai chu Km 1,000 kap phâk Hwasong le



Pukguksong, Km. 1,300 - 1,500 kap phâk Nodong le Musudan hai an nih a. Tuta a siem mek KN series a hin KN-14 le KN-08, Km. 10,000 le 11,500 chen kap phâk dinghai a siem mek a. Tuta a ensin hlawsam khawm hi KN series a nih. North Korea hin US le South Korea le Japan sipaihain a ram an hung hna tiel tiela an inhuol vel wawng ti a hriet hin a râlthuum siem a sukhhrât sau sau a. Tium tak le thilthawtheitak a nizie suklangna dingin a râlthuumhai pholang le ensin hi a uor zuol hlak a nih. An ram run dinga

EVM thuah All Party Meeting ko vat tang a tih: Zaidi



CHANDIGARH: Election Commission of India (ECI) chun Electronic Voting Machine (EVMs) thuah all political Party meeting ko vat tang a tih tiin Chief Election Commissioner Nasim Zaidi chun zanikhan a hril. Election Commission chun hmatienga election hung um ding haiha vote thlak huna langtlang taka voters han an vote a lut le lutnaw an hriet theina ding le langtlang lemna dingin Voter- Verified Paper Audit Trail (VVPAT) hmang vawng tumin hma a lak a nih tiin Nasim Zaidi chun a hril a, all political party meeting hunah EVMs ei hmang hai chu sukdan-glam thei lo le him taw an nizie political parties hai a hril ding thu CEC chun reporters hai kuoma a hril. Political party tum tum han EVMs chunghua intumna an siem hai le inzawm chanchinbumihai indawna dawna Nazim Zaidi in hi chungthu hi a hril a nih. Tulai hnai kha Opposition parties 16 hai chun EVM mipuiin an ringzonaw thu hrilin Ballot system a vote thlak sunzawm nawk ta dingin ECI an lo ngen ta a nih. EVM sukchingpen thei nia hrilna thua hin ECI chun open challenge ko a tum thu CEC chun a hril a, VVPAT machines nuoi 15 inchaw-kna dingin Order insuo a nita a, VVPAT hai hi PSUs pahn Bharat Electronics Limited (BEL) le Electronic Corporation of India (ECI), in an supply ding a ni a, September, 2018 velah VVPAT nuoi 15 hai hi hmang thei dinga zo hman beisei a nih. India chu khawvel rambung hai laia polling stations povah VVPAT hmang hmasa tak a ni ding a nih tiin a hril baw. Uttar Pradesh, Uttarakhand, Goa, Punjab le Manipur haia Assembly election zo khaan Political party tum tum hai chun EVMs hi nasa takin an hung sawisel a nih.(PTI)

Dan inza lo hai chun UP suoksan el ro: Yogi Adityanath

LUCKNOW: Uttar Pradesh Chief Minister Yogi Adityanath chun, Prime Minister in VIP culture a sukawpna chun-gah PM Narendra Modi an pak thu zanita Goakhpur hmuna a workers hai hmaa thu a hril hunah a hril a, a state sunga law and order kengkawna kawnga inthlakthlang nasa tak umin sunzawm pei a ni ding thu a hril a. Mipui a tuelkhawm dan inza lo hai chunga dan anga khat tak action lak a ni ding lein dan inza lo hai chu Uttar Pradesh suoksan el dingion an fui.

London-China direct train hmasatak km. 12,000 a tlan tlung tah



BEIJING: China le United Kingdom (UK) inkar kms. 12,000 (miles 7,500) zeta hlau thil phurna freight train hmasatak chu tha takin a tlan tlung tah. Hi lampui hi khawvela lampui sei tak (longest route) pahna a nih. Hi thil hi China le western Europe kara insumdawngtuona hrat lema a fe theina ding China sawrkâr hmalakna thar tak a nih. Hi Freight train hi zanikhan Yiwu, China a tlung

ni 20 a thang hnungin China rama Zhejiang province a Yiwu hi a tlung a nih. Hi lai hmun hi China rama wholesale hmunpui pakhat a nih. Hi lampui thar hi Russia rama inlar em em Trans-Siberian Railway neka sei lem a ni a, sienkhwam kum 2014-a hawng Rel route sei tak nina hau mektu China-Madrid link nekin kilometres 1000 in a hnai/tawilem a nih. London khawpui hi China Railway Corporation enkawlana hnuoia freight network thar in a sun khawpui 15-na a nih. Hi lampuia tlan Rel hminga hin 'East Wind' ti inbuk a ni a, shipping containers 88 a kei a nih. China chun Germany, Europe leh direct freight train service a nei ta zing bawk a nih. (AFP)

Meeting nei mek UNSC chu 2006 a inthawka economic sanction a puong khum tah North Korea chu thu a la awi naw zing lein a chunga hremna khaul lekkaw dan ding thu a ngaituo zawng ring a nih. US chun nasatak in hremna sukkhaw nâwk zuol dingin a nawr bawk a. China le Russia khawmin hrem tha an ti zing lain tharum hmang ruok chu rem an ti naw thu an hril. North Korea missile ensin le hi lai biela boruok umdan chu UNSC meeting boruok suklumtu le thu chai tak a nih a. lengtinam US Secretary of State Rex Tillerson chairman-an hnuoia UNSC meeting-in hma a hung lak ding hriet a lan nawh.



Hi missile ensinna hi Japan, South Korea le US bākah China khawmin a theida em em a. A ruoltha nisienkhwam North Korea chu khawvelin nasataka an buoipua, UNSC meuvina a kap ta hnung khawma kawmaw suoa missile a la ensin pei lein North Korea chu a baukhat nghe nghe a nih. Japan chun, "Hieng ang missile hin Japan a hung kap phâk ding a na. A ensin hi hlawtlingin Japan tieng hung tin sien chu Japan chu a kap a ni der el ding a nih" tiin, hi thil hi pawm theilo a nizie thu a hril a.

Office of the PENTECOSTAL YOUTH DEPARTMENT  
Saikawt Section -2017  
**LUCKY GIFT RESULT**  
1st Prize: 00735- Ramthang Muolvaipei  
2nd Prize: 00004- Lalmngai, Muolvaipei  
3rd Prize: 00670- Jimmy, Bible Hill  
**CONSOLATION PRIZES MANTUHA:**  
1. 00742- Isac Lalremuot, Shanveng  
2. 00168- Prity, Saikot  
3. 00871- Buonga, Zote Veng, Rengkai  
4. 00657- Mercy, Ngurte  
5. 00967- Japhet Lalsanlien  
6. 00902- Lalthlamoeng, Muolvaipei  
7. 00586- Buongthangpui  
8. 00322- Hrila, Rengkai Muolhlum  
9. 00123- Zartosang, Rengkai  
10. 00397- Lalram, Kanan veng Saikawt  
Ticket mi lo la pektu hai po po chungah Lalpa Isu hmingin lawmthu kan hung hril. A man naw hai khawm lungril sukna loa Lalrama thawlawn thawa ingai dingin kan hung ngen che. Chun, prize mantu la lalo hai chun Lalthlamoeng, Muolvaipei Mob. No. 8730027050 ah lak thei ning a tih.  
**Sd/- Evan Lallienthang** Secretary, PYD  
**Sd/- T. Upa Lalthlamoeng** President, PYD

**PIGROW Tablet**  
**VAWK INTHANGNA DAMDAWI**  
I vawk zawr hun tlingna dingin kum khat nek tam ngakh ngai tanaw nih.  
**A THATNA:**  
\* PIGROW mum hi Company-hai ti dan ang taka i pek chun thla 5 sungin kg. 70 chuongkai hman a tih.  
\* PIGROW mum hin, i vawk chu i pek tana inthawk chawl der loin an thang tir thei.  
**A PEK DAN DING:**  
\* Vawk pakhatah nikhatah mum 20 (zingtieng mum 10 le zantieng mum 10) pek ding.  
\* Box khat ah mum 600 a um a, chu chu thlakhat sunga a fakzo ding a nih.  
\* Rawt phita pek in fak awisam an ti lem.  
**INCHAWK THEINAHAI:**  
1. Hmingi 2. L.K. Screen Printing  
Bethel, CCPur Lighthouse Lane, CCPur  
# 8414852391  
3. Pet Care Centre, Tiddim Rd. CCPur.  
Order tam dan dungzuiin HOME DELIVERY khawm kan thaw thei.

**LAWMTHU HRILNA**  
Hun iemanichena inthawk ta khan Pile natna ka nei a. Sawt tak tak inhnawmain hun ka hmang a, a chang changin thisen a suok a, ka tawl a hung lien in hung puom a, ka kawng a hung na a, Gastric a hung um a, ka phing a hung inri rak rak a, ka taksa a hugn chauin ka hung cher deu deu a. Ka beidawngin MV Azad Phusam ka pan a, hun iemanichen a mi enkawli a, tulin chu ka dam fel tah. Hi lei hin ka lawm hle a, hi chanchinbu hmang hin ka lawmthu MV Azad Phusam chunga ka hung hril a nih. MV Azad Phusam hi nitin 8AM-4PM inkar sungin Teddim Road, Old Bazar, Near Lamma ICI Church Road-ah pan thei le Mobile Phone Nos. 8014025567/ 7628890261 haiah biekrawn thei a nih.  
Lawmthu hrltu,  
Sd/-Mimin  
Pangjol Village

Tlangram kilkhawra Post Office haiah Broadband services

NEW DELHI: Bharat broadband network limited, Department of Post le BSNL hai chun tlangram kilkhawra hai chena Bharat-Net broadband services pek dingin Memorandum of Understanding (MoU) an ziekt. MoU dungzui hin tlangram hmuna kilkhawra haia post offices 1.3 lakh le sub post offices 25000 hai chu broadband fethlengin high speed Internet connectivity thlungzawm a ni ding a nih. Hi le inzawm first phase a dingin Gram Panchayats nuoi 1 velah sin thaw mek a ni a, zo tep a ni tah tiin Telecom Minister Manoj Sinha chun a hril a, Gram Panchayats nuoi 1 le a chanve haia 100 mbps broadband connectivity chu December, 2018 chena zo ning a tih tiin Mr Manoj Sinha chun a hril. (AIR)

El Salvador in thir chosuoq a khap

MEXICO CITY: Central America-a rambung chin tak El Salvador chun, environment humhalna dingin a ram sunga thir chosuoq a khap. El Salvador hi khawvel rambung hai laia thir chosuoq khaptu hmasa tak a la nih. Hi khapna thupek a hin El Salvador President Sanchez Ceren chun suoi a kei a, thir chosuoqna leia ngirhmun titum taka um mek mi rethei hai humhinma dinga hi thil hi thaw a nih tiin Sanchez Ceren chun a hril.

Myanmar-a Bus eksiden-ah mi 19 an th

YANGON: Myanmar-a central Bago province, Myawaddy highway bul Thailand le ramri lai zani hmasa kham ni 40 chuon-gna Bus chu changsuolin rawlaw a tlanliem a, mi 19 in thina an tuok a, midang 21 in hliemna an tuok. Bus hi a brake failed leia driver in a motor khal a control hne tanaw leia eksiden tuok ni dinga an ring thu Police chun an hril. Hi Bus eksiden-a hliem hai chu Police le sansuokna sin thawtu han Hospital hnai takah an thaklut tawl. Hliem hai laia 7 hai chu an hliem inrik hle niin Mae Sot hmuna medical official hai chun an hril. (AFP)



PTC CWC Ex-officio member-a laklut

CCPUR: Zani zantieng IPM khan PTC GHQ Conference Hall, Hiangtam Lamka...



33/11 KV 3 sin thawna zo le 132/33 KV si thawna a fe mek thu, Sinzawl le Thanlon PHC sie a ni ta thu, CHC a dawmsang a ni theina dinga hma lak mek a ni thu hai a hri.

Ke Pathum Nei Naupang Ke Pahnia Siem

VICTORIA, AUSTRALIA: Bangladesh nuhmei naupang kum thum mi ke pathum nei chu hlawtling taka atin ke pahni neiin Australia daktor han an siem nawk.



Bangladesh-a daktor vavi khat operation lo thaw tahai le inrawn pein an thaw a. Bangladesh daktor han a ke inlang po an at bawng taa chu a bulpuitak, a kawng laia an thutna an la them thei nawh a.

indel met hi thuin chu a tlan kalang a, inhawi ti takin an hnela, thau khawm a thau deuh tah. A hung tleirawl deu pha vavi khat la at nawk a tul el thei a.

Justine Bieber-in Bible A Chawi Ve Tlat

LOS ANGELES: Pathienni Biekin inkhawm fe a ni em naw khawm a, Bible a chawi vet lat. Love song saka inlar a nia chu Kristien a nina a bo thei chuong nawa, Kristien sungkuoa a seilienna chun tlawmte bekin zung a la nei niin an lang.



khan an siemthat tah niin a hri. "Hi hi ka dit a nih, asan chu, ka umna ding taka ka ditah ka um nawa chu ka umna hlakah ka um tah naw leiin ka lawm a nih. A thatak a la hung tlung ding a nih, in ring am?" tiin a ziek.

Bella Hadid Hmu Nuomin Rs.8.45 Lakh Seng



BAHAMAS: Mi tamtakin Fyre Festival ah supermodel Bella Hadid khawm a thang ding ti an hriet leiin party-a th hangna dingin Rs. 8.45 lakh (\$13,000) an pek a, an pan sup sup laiin Bella Hadid ruok chu mi tam umnaa a um nuom naw lei am, Miami beach suoksan lovin tuifniriet kamah a ruolnu leh hadam takin hunawl hmangan in lo insukdei a, thla latuhai an suktlawm hle.

rem le rem lova mattress haia zanu intuio tuma an um laini Bella le a ruolnu Fanny Bourdette-Donon ruok chu, swimming pool kama pool chair ah zal inzamin an lo hadam hem hem a. Festival ah amah mu nuomin tamtak an hung a nih ti khawm a hriet nawh; Bahamas-a chawl a hmang thei lai hun a ni tlat.

North Korea-in China An Za Nawh: Trump

WASHINGTON: US President Donald Trump chun, North Korea-in missile a ensin nawkna chun a thenum rambung le a ruoltha tak, a hmakhuo ngaituo le thangpui theitu China an za nawzie a suklagna a nih a.

Rex Tillerson chun, UN Security Council meeting inrawiin, "North Korea chunga action khau tak lak a hun tah. An naw chun a thenum rambung hai hung kap phak a ta, iengtikam a hung kap ding hriet an nawh. A hung kap ta chun iengkim an hnu vawng tah ding a nih" tiin North Korea chun nasa nawk zuola hrena a thilthaw intawptir a rawt.

sukzuolin an hrosakna suk huongtau" pei a ta, inti huoi deu devin dang ruol lo thil a thaw el ding a nih, tiin a hri. A. Thei ang angin North Korea chu dang vat a tul thu a hri.

a hri. China le US didan inkalna thauah Rex Tillerson chun China a khak met nghe nghe a nih.

Bruce Springsteen-in A Nun Thuruk A Phawr

LOS ANGELES: Kum 40 er awr hlasaka khawvel fang suok tah, "Born in the USA" saklartu le American musician hmingsang Bruce Springsteen (67) chun hlasakthiem milar a nia chu mihai ring ang ngawtin a nun po po an havi vawng chuong nawh a, hun harsa le rinum tamtak a tuok ve hlak niin a hri.



election campaign lai khawm khan, a phalna bovin, ram le hnam hmangaina hla ti devuin hi hla hi an played niin a hri. Rock and Roll hlahiin mi a hne thei zie hriin, "Rock hla chu, miin a music an hriet a, a beat leh, chun a chorus an hei ngai a, an nuom chun an lo sak zawng nghan el hlak a, mi a hne awl em em. Chuong chu a nih political Rock and Roll ball (hla) in mi a deng kuol dan chu" tiin a hri.

Twitter-a a post dan chun, "North Korea chun a ruolpa inzaumtak le thilthawtheitak China didan inza zo lovin, an za nawzie a suklagn a nih, a missile ensinna hi, lo hlawsam tah sienla khawm. Bad!" tiin a ziek. President Trump chun North Korea nuclear ralthuom a tawpsan theina ding a ni phawt chun "iengkim" an pei thu a hri. Tharum hmang lova "diplomatic" taka sukfel a nuoma chu "a harsa hle" niin a hri.

North Korea ruok chun, UN-a an Dy. Ambassador Kim In Ryong chun, North Korea nuclear program chu economic le political thila inremna le zelsa thei a ni naw ding thu a hri. Nuclear ralthuom sukbona ding thu inbiiekna hrim hrim chun North Korea a thang thei naw ding thu a hri. North Korea nuclear program chu "DPRK chunga America nunrawngna le endan indiknaw leia rasuok" niin a hri baw.

China chun inbiiek hmasa zeta nuclear program inchawltir a nuom a. US ruok chun a nuclear program chwalsan hmasa zeta chu zovah inbiiek a rawt a. An didan inkal chu buoina a nih a. Rex chun, a hma khawma inbiiekna neiin inremna ziek a nia chu North Korea-in a bawsiet tah leiin, a thuiem a hlen hmasa zet naw chun inbiiekna nei thei a ni naw ding thu a hirlepek a nih.

China le US didan inkalna thauah Rex Tillerson chun China a khak met nghe nghe a nih.

Bruce hin 2016 khawm khan a nun thuruk phawrin, "minute thum inhawi dumsung rinum" tiin artist hringnun chu thu le hla le music inhawi taka saka ngaitlak elna a ni nawh a, nun rinum, lungri la sawlna a tuok chang a tam lem thu a hri. Pathien thu le hla naw hin chu sum le pai le ropuina ieng ang khawm nei inla a mi sukhlum tak tak thei chuong nawzie tarlangtu a nih.

le duthusamma ram mei mei an nizie a hri a nih.

Jersey a seilienin kum 15 a niin a Guitar hmasatak a nei a. Vietnam War lai kha a vunglai hun tak a ni leiin a hla phuokhai khawm mani ram le hnam hmangaina tieng thu a tam a. Kha hun laia "Born in the USA" ti khawm hi a phuok a nih. Hi hla hi miin an hriet indiknaw tam hle niin a hri.

Bruce Springsteen hi politics khawm an hnuk ve em em a. Democrats niin Presidential election 2016 a khawm khan Hillary Clinton ta dingin a campaign a, concert hai a neipek baw a. President Donald Trump ta ding ruok chun, laklut nia hlasak ding khawmin a thang nuom naw a nih. America hmangaia ngaina hle baw si, mani ram le hnam ngaina taluo nawk khawm tha a ti si nawh, mak tak chu a nih.

14th Hmar Martyrs' Trophy: LAMKA SPORTS CLUB CHUN CUP LA THEI AN NIZIE AN SUKLANG PEI; BEISEINA NEI TA LO VE VE HMARVENG YOUTH CHUN CENRAL LAMKA 1-0 IN AN HNE

Hmar Martyr's Trophy inkhel fe mekah zani khan Group D-a mi Lamka Sports Club (LSC) le Zawlbuk FC an inkhel a. Anni hi a hrat lem lem knockout kai ding an ni leiin an innawr nasa hle, Zawlbuk FC hi vavikhat an inlang vena a nia, LSC ruok chu Final vawihni lo kai tah an ni leiin LSC chun 7-1 tawpin an sawp. LSC ta dingin Lunneuchun goal pathum a thun a, Naoton, Ngukhosiam,



Sanglian le Robert Hakkip hai chun goal khat seng an thun baw. Zawlbuk FC chun hun

nuhnung tieng goal khat an thun a chu an ta dingin hrata an chang zo ta nawh. Anni hi a hrat lem lem knockout kai ding an ni a, LSC tieng ruok chu draw khawma kai ding an nih. Anachu, vavikhat inlangnaa dingin Zawlbuk lakah Final vawihni tawp kai tah LSC chu an hrat taluo deu ti dingin a um.

an kai a, last 16-ah ABC Saidan leh inkhel an ti. Inkhel nuhnung le mah beiseina nei ta lo ve ve Hmarveng YC le Central Lamka FC an inkhel a. Hmarveng YC chun 1-0 in an hne. Hi taka goal um sun thuntu chu Joseph L. Mihriemate a nih. Anni hi Pool F-a um ve ve an ni a, a hrat le hrat naw hin umzie a nei ta nawh a sanchu League inkhel pahniaiahan hrat naw ve ve ta lei a nih.

Vawituk hin Joshua le Klitschko inhnek ding



amiruokchu ring sungah kan lut hunah chun hi inhnekna hi "tum ka ni" ti hrieng an ti. Joshua hin kut sukdawk bak them dang a nei nawh," tiin a hri.

Khawvel ngaiven hlaw heavyweight boxing-ah Anthony Joshua le Wladimir Klitschko chu vawituk hin Wembley Stadium, London-ah inhnek an ti. Boxer pahni hai hin IBF le WBA heavyweight title inchu an ta, an inhnekna hmunan hin entu 90,000 neka tlawmlo um dinga ngai an nih.

Kum 41-a upa Klitschko chun, "Inhnek hun tlung hma po hin tulum am a hratem ding ti chu mipuihaiin an hriet a. Kan inhnekna hmun ding hi Joshua seilienna hmun khawm a ni thei,

Liverpool U18 coach ding Gerrard

Liverpool chun an club legend Steven Gerrard chu Reds Under 18 coach dingin a lo sukfel tah. Liverpool chanchina player ropui tak anga ngai hiel Gerrard hin U23 team enkawltu ding Neil Critchley hmunruok a hluo ding a nih.

hlak. Skill le talent hai hi en lo thei lo a ni ngei hlak, amiruokchu hieng hai khela hin thil dang tamtak a la um a nih," tiin a hri. A hrii zawmpeinaa chun, "Naupang tam tak hai hi Cristiano Ronaldo ang ni kher an tum hlak a, a pawimawtak chu an hrata le an hrata-nawna inhriet hi a nih," tiin a hri.



inggai hiel hlak. Amiruokchu, chona tak tak chu hi academy anthawk an in-chuk zo hunah an tan chaw ding a nih, chu chona hmasuon thei ding chun hma lak pui ka ti," tiin a tumru zie a hri.

"Thil tam kan chukdawm ta a, Liverpool academy director Alex Inglethorpe le kan inbiiek hnungah U18 ka enkawl hi a hun ve tah in ka hriet a nih," tiin a hri. Alex Inglethorpe chun, "Gerrard hin hi hmun a hung pan hnungah hin a tawnhriet le thienna hmangan nasa takin a mi t hangpui ta a, hma khawm kan sawn hle a nih. Chulei chun coaching-a a career fepei theina dingin tuta kan thutlukna hi thaw ngei ngei a ngai niin kan hriet a nih," tiin an club captain hlui U18 coach dinga an ruot nasan thu a hri.

India le Benfica inhnetawk

FIFA World Cup Under 17 inkhel dinga inbuotsai mek India Under 17 chun Portuguese club the Benfica Under 17 chu 2-2 in an inhnetawkpui. Portuguese coach Luis Matos enkawl-na hnuaiah Indian hai hi Portugal-ah training an nei mek a, May thla khin Italy-ah Lazio Cup inkhel nawk an ti.



chu beidawng bik loin, Jitendra (79) le Shahajahan (85) hai goal hmangan an sie phur an sut a nih.

Table with 3 columns: Time, Team 1, Team 2. Title: FOOTBALL FIXTURE Sunday, 30 April 2017 Premier League